

A Monthly Christian Magazine

AN ORGAN OF THE ZOU PRESBYTERIAN CHURCH SYNOD


Khristian Tangkou

ယဉ်ကျေးမှုတံခွန်

တိရစ္ဆာန်များ

Vol. 61 || No. 8

August, 2025



Editor: Rev. Dr. Hangpi Manlun

Synod Kumpuon

Khrist Jesu a um Lungsim

[Phil. 2:5]

Khristian Tangkou

Vol. No. 61 || Issue No. 8 || August, 2025

Editorial Board

Editor : Rev. Dr. Hangpi Manlun - 9862910875
Joint Editor : Rev. Zamlianpau - 7629978067
Cir. Manager : Upa Jamsianmung - 9862086615
Bus. Manager : Nu Niangkhanmang - 9863934719
Nh. Suanneiching - 8787790520
Nh. T. Naomi Goulianching - 8413854088
S. Joel Lianmang Zou - 8729906706

Cont. Editors : Rev. Awnkhanhup - 9383114081
Rev. Khupsianlal - 8974749874
Rev. Lamsuanthang - 7005723755
Upa Khaiminlian - 9612479417
Upa Khupsuankham - 9863193371
Dr. S. Thangboi Zou - 9862754101
Upa Thangzasuan

ZOU SYNOD ULIENTE

- **Moderator:**
Rev. Kaimuanlal
- **Moderator Elect:**
Rev. Khamminlian
- **Secretary (Sr):**
Upa Kapkhanhau
- **Secretary (Jr):**
Upa Khaiminlian
- **Treasurer:**
Upa Thangchinpau
- **Statistician:**
Upa Dongzapau
- **Executive Secretaries:**
Rev. Dr. Hangpi Manlun
Rev. Zamlianpau

Copies - 1200

AMAN

Kumkhat ah	- Rs.	100
Post ah	- Rs.	200
Copy khat ah	- Rs.	10
Life Member Fee	- Rs.	1,000
Patron Member Fee	- Rs.	2,000
Memorial gift	- Rs.	2,000

A sung thu

- Editorial..... 01
- Thu tuomtuom & Thumpi ding 03
- Mangpa Hagau Mitneh..... 05
- Sepai galkap dingte 07
- Pumkhat a hing hi theina ding un . 10
- Pasian thu thei belapna 12
- Tate kep dan leh mou leh..... 14
- Jabez thumna 19
- ZPWF Column 22
- ZPYF Column..... 24

Thusuo zosie Editor leh Zou Synod ngaidan ahi kimsih a, a suotute'n maw a kipuoh chiet ding uhi.

Thusuo dingte Editor kung a pieh ding ahi.



Silpieh ah panla tha vaui

Manggam a seppi ittah hattuumte hamsatna leh buoina kal ah um lei zong I bieh Pasion mapuina tawh August-2025 hate bang melmuthei a i umtah ziehun Pasion min i phat uhi. Tutung in ahileh hattuumte kung ah ikinget nuom ahileh Pasion guolzawlina I tante uh apetuten a pieh bang ua panla chiet ding in I kingen masa uhi.


Tualeh, Pasion gam nna isepna uah sum-le-pai tellouin bangma I semhthei sih chilei I chi khiel sih ding uhi. Tualeh, inua kum leh tukum i Synod session in sum-le-pai zahna ding a I gente atangpi in itahlang ding hi.

Semtute leh pensionerte law (pay)- khu seven (7%)-in I khangsah uhi. Tuaban ah Presbytery grant (share)- zong Rs. 2 lakhs zong kidaitalou I hichieng un Rs.3 lakhs in I pungsah uhi. Tuabanah, Grant teacher-te law (pay)- Rs. 6000/- (Sangguh)-apat in Rs. 8000/- (sanggiyet)- in I pungsah uhi. Tuabanah, ZPYF te grant zong Rs.5 lakhs apatin Rs.10 Lakhs in I pungsah uhi. Tuate ban ah zong Synod in biehin lamte a tung khu ding in langva 35mm kipie zing pen a tamzaw deina bangin tulai a suothtate 40mm ipietah zieh un amamte zong nidang sangin ang tamzaw in hoita hi. Tamte banah committee DA leh outside State a khuolzin leh Committee chieng un zong DA te zong I pungsah uhi.

Tuaban ah kum nga kum guh a biehin mun lei ding leh quarter lamtha ding leh repair ding a ina gensate uh bang suhpichin ahisih leh

adangte kibawltheilou ding ahichieng chi’n bawlthei dandan in pan I lah uh ang ngaita hi. Tamte ban ah Pasian mapuina tawh covid-19 sung leh igalnei sung uh kumni sung in Synod malam sawnna ahileh missionary nnasepna ah mimal lieng, local lieng mi kipawlkhawmta leh Synod lieng ah missionary nna I sepna uah masawn in sum-le-pai zong nasatahin I seng uhi. .

Tam a tung a te khu bang ding a igen uh e ichi leh sum-le-pai asaitu akihichieng in, I zahna leh painate uh a kibelap laiin imunata uh ang kibelap seng lou chieng in nna zong kisemtheilou in lungkhamna leh hamsatna I tuoh dehdeh uhi. Tualeh Synod lieng ah sum leh pai kining china a umlou chieng in sepding bawl dingte kisemthei lou phiel ang bangta hi. Tuaziehin hattuum mipite khun I local sang in I Synod ma pi bawlphawt lei tahsa leh hagau ah kikhang in mite mitmu in zong kilawm zaw ding hi. Azieh ahileh eite khu local a kivaihawm hattuum kihilouin Centralise ihzieh un ahi. Mailam ah tahsa leh hagau a I khanlet semna ding un hattuum chinten miten I pawlpi a ding a, apiehte uh ahiding bangtah in hisah lei i Synod zong khangtou in local zong I khang ding uhi. Tamte I gen chiengin local chinte ihoi sih uh china hilouin panlatha vau. I budget-te phazou sih mawhta lei ada ding leh muolphou ding eite ma ihi uh chi I manghil sih ding uhi. Genkhel gelval umte kingai siemin a hoi umte zuithei chiet ding in Mangpan hing guoizawl chieta hen aw.



Sepguol Bu 2025
Soft copy deite ding in:





1. Pasian lungsietna leh mapuina toh August 2025 ha i tung kiata ua, tam tan hing puitu i Bieh Pasian mi phat in a kung ah lungdam thu i tut masa uhi.
2. August 2025 tung touta i hina uah ha kia September khu Sepguol ha ahi toh kituoh in Sepguol Vaiguon hing kihawm a, Hattuum chin in eima lemten bang zel leh phattuompi thei ding lunggel nei kawm a zang chiet ding in i kingen un i kitheisah uhi. Tualeh, Synod High School Project Committee thuphasah in Inn lam pat nailou a, Plot lei belap ding chi ahi dungzui in lei belap ahia, aban ah lam pat ahi theina ding in tam Sepguol tuohkhawmte High School Project Fund a ding a kizang zel ahina ah i tuohkhawmte uh a kim in Office ah sunlut sawm chiet va ui.
3. Tribal zousie kipumkhat a, tup kibang a, a tawp tanpha tuibang i luonkhawm ua Saperate Administration i mu theina ding un theitawp suo in thum va ui.
4. Meitei apat tuomkhen in i umta ua, i gam buoina toh kisai a Lamkai tuomtuomten kituoh tah a vai a hawmkhawm theina dingun thumpi chiet va ui.
5. India gam sung mun tuomtuom a Khristian te soisahna gen ding um zel ahina ah, Manggam kehlien ding a Missionary kuonte zousie leh a dieh in ei Synod in i sawlten Pasian a ding a theitawp suo a a hing sep ua, Pasian venbitna zal a i Pasian uh i bieh ding dan tah ua i bieh thei ua, Manggam i kehlet theina dingun thum zom zel va ui.
6. I gamsung a buoinate a hing ven a, hindan ngaina i zah thei kiana dingun bangkim bawltu Pasian kung ah chitahtah in thum chiet vai.

7. Pasion lungsietna tang in guotui a hoi kiet mama a, i haichite uh Pasion venbitna toh tui tah a ne thei ding in Haitha Pawi zong Pasion lungsietna leh umpina toh zawching tah in i zang zouta ua, mangpa Pasion thupina zousie pie in lungdam thu i tut uhi.
8. Tu kum 2025 Synod kumpuon ding **“Khrist Jesu a um lungsim”** (Philippi 2:5) chi ahi dungzui in i lungsim khu Khrist Jesu a um sah in ama kipuisah sawm chiet ding in simtute zousie Pasion min in i kichiel uhi.
9. **Zou Christian Musical Committee** in theitawp suo a sawttah ana buoipi uh **Zou Khristian Labu** (Labupi leh Latha Bu kithuo) Synod Khawmpi 21veina in a phasah bang in Swapna Printing Works ah Copies 5000 sut zou ahia, tua ahi toh kituoh in Synod Office Bearers Meeting phasahna bang in ZCMC ah tut tou ahi. ZCMC Committee ah May 30, 2025 in Rev. Thangliankham, ZCMC Chairman in Pasion kung a latna nei in hawmkhiet ahita hi. Tam Labu khu tu in Synod Office ah Bu khat ah Rs. 300 a lei thei zing ahi. Tam tan hing puitu Pasion kung ah lungdam thu gen in a tam thei bang lei ding in i kingen uhi. Tutung a **Zou Khristian Labu** khu Labul theilou a ding in a Thuonon a suina zong bawl ahi.
10. **Zou Khristian Labu Mobile Version** zong i sanggampa uh Pa Khammuanthang in a hing bawl zoukiata a, a tung ah lungdam thu i tut uhi. Tu in Playstore ah download thei in umta a, tutung a Khristian Labu Mobile version kibawl dan khu a tuom deu a bawl ahia, Labul patna a suina ding um ban ah Labul leh a thunonte i theisih lezong **a la thu a line khat** i thei nahleh sui thei mai a bawl ahi.

ZOU KHRISTIAN LABU Download theina ding (QR Code):



MANGPA HAGAU MITBEH

By:- Upa Khupsuankham
Cont. Editor

Thupilte 15:3 i et leh “Mangpa mit in munchin teng amu a, asie leh apha zong a en a, achiemte hi”.

Pasian leh lamkaite lemguotna zal in 1990- kum apat in Shillong BSI Centre ah “Zou Holy Bible” (Good New Bible) Manuscript endih (Check) a lawm leh guolte toh nasatah a ka etlai un thakhat in ka mit hitui ahing luong a deibang tah a ka et theilou phet in dahuoi kasa a Eye Speciallist doctor khat kava ki ensah leh mitbeh khat ang bawlsah a Pasian lungsietna zal in tunitan in Zanlam khawmiel chi loungal ah lai zong ka enthei a, Mangpa kung ah lungdam thu ka tut hi. Hinanleh khatvei vei katahsa mit bang hing chau in lai ka et chienging mang zelzul in ka mu a, Emau lampi a Jesu’n nuazui mi te amit uh avaisah bang in ka um khazel hi.

Manggam nasepna a ka seppi Pastorte, Upate, Sawltahte leh lawm leh guolte dangdang te zong keima banga amu ding uh ka gingta hi. Mangpa Hagau mitbeh khu Van lam sil thupite, leilam a Pasian et utte lawm leh guolte etdan kibang a et leh Mangpa mit ka tung ah atungzou na diei? chi i ngaituo kha zel uoi? Mangpa mit beh bullou a i utut i etna in khovel thupina te i en uh chin a chia, tuamin i Mangpa loupina ding khaamte hing suoh zel ua, i Mang nasepna uah zong i balaw ua, lungkim louna ding leh nuana ding i haulaw giap uhi.

Sam gieltu in “Ken vang dihtatna in na mel kamu na ding a nangma hatna nei a ka khahlaw

chienging silsie leh silpha tampite ing mudoh ua, imit tui bang ang luong a tuana pat in tahsa lam leh hagau lam ah i basam khaleng uhi. I mit mu utna ten numei leh pasal suol ah zong ang pulut khazel hi. Pasian mitbeh ing buhlou chienging izalen a, kithupisahna, zalenna leh kiletsahna in ang nuazui ngal hi”.

Khovel mihing mitbeh ing buh chienging eima utna leh deigawna mitte ing mu chienging numei leh pasal adia sietna leh kingaisietna ang tun a, Pasian mitbeh ing buh chienging eima deina leh utna ah i um thei non lou in Pasian deina bang a ing im thei tah ziehin hagau mitbeh i phattuompi zel uhi.

Pasian in mihingte ang mudan uh khu ang ngaisutsah hi. Pasian in mihingte ang etdan akibang chiet a, koima muda tuom anei sih hi. Pasian hing et bangin mizousie i etdan akibang ei? Mangpa i enkha na uoi? I Pastor mit, i upa mit, i Sawltah mit leh i Hagau mit in etnop leh etnuom lou ineikhah uleh i hattuom mi khenkhat i suhthasiet dinguh ka gingta hi. Tuaziehin i poimaw pen uh khu itahsa mit uh hilou in Mangpa hagau mit akichi ka mukhie a, nasatah in ikivelpha in Hagau mit beh vai.

Tualeh, Mit chini (2) a khentheih ahia, tambang in:

- 1) Mihing tahsa mitbeh
- 2) Mangpa Hagau mitbeh

Tahsah mitbeh khu khovel a silthupite sum leh pai, du-amna, huoihamna, numei leh pasal kikal te uh adang dangte ahi. Tamte khu i melma pa uh Setan munuom te ahi. Etsahna khat gen talei bazar leh khopi sunga ivah chiengin miji melhoi, mita melhoi imu ua Pasian lungsim a hing potpai khu bang e ichi leh **“Koi hileh numei khat mawpi utna toh a et leh a lungsim ah amanu toh aang akawm zouta hi”** (Matt. 5:28). Khatvei Bombay khopi sung a kavah leh etnuom atam seng ziehin Car khat in ang phuliam dihtah a, tahsa mitbeh

hoilou ka thei hi. Jacob in Mangpa Hagau mitbeh ang buh a kipan in nidang a khovel sil a et utte khu ang ut non tasih a, Mang nna asepnah amatalta a, Pasian in amazal in loupina atang hi. Pu.Rev. Lalngaisang in numei nuasang a peilou ding ana chi hi.

Sawltah Paul in Pasian in guolnei Annania zang a Hagau mitbeh ang bul apat in apeina taphot ah a umdan ahing ki lamdang ta a, akisahtheina mit khu a aw ta a, kingaingingemna mit in a enta hi. David in Pasian mitbeh ang bul apat in deisahna mit leh mudna mit khentuom lou in unau/sanggam bangin etdan kibang in a en a, vaihawmni ah dihtah in avaihawm a, Mangpa mitbeh abehlou hunhun ah numeite khu melhoi tah in ang muta a, “Aa keng kalsuon dan khu asoi ngal hi”. Khovel panpina Pasian thugen siempen Dr. Billy Graham in “numei khu khatvei khel etlou ding” achi hi. Awleh khovel nam ah Mangpa Hagau mitbeh bullou a gamtat hoi zing dingin na kigingta ei? Pasian mitbeh bullou hun Numei melhoi mi jihoi te amla ding khu setan kipahna ahi, “Tuaziehin Sye Specialist doctor ngailou sum leh pai ngailou a damna Mangpa Hagau mitbeh bul zing vai”.

Mangpa’n simtu zousie guoljawlta hen!.

SEPAI GALKAP DINGTE

By:- Upa Khaichinmang
Tongdam, P/Church

1). Khovel sepai ding a chitna (Fit for world Army)

Khovel ah gam tuomtuom aum a gamchin in agam vengbit ding in sepai ala a, a ut ut mawphei lalou in, atangpi in tam anuoi a bang a chitna neite ala uhi:-

1). Laisiem 2). Taihat 3). Suongnaw hat 4). Kanteh kan hat 5). Mi damthei 6). Mihangsan 7). Mel piendan hoi 8). Misiengthou 9). Mipil 10). Mi thumang 11). Thanuom leh sil zousie bawl ngaplou nei lou etc.

Tam atung a chitna neite khu gam vengbit ding in Sepay (Army) in akila zel hi. Khovel sepai a pangte khu sum leh pai deina zieh a shi khosahlou a pang ahi ua, chitna neilou a pangte khu shi hunlou in ashi zel uhi. Chitna nei a sepai lutte khu Training hoitah akibawlsah a, azoute khu anu, apa ama lang a apan leh thau a kap ding in akichiemsah uhi. Tua bang mite khu sepai ding a aching akichi hi.

2). Vangam adia sepai ding a chitna

(Fit for heaven Army)

Khovel in sepai alah bang in khovel a Khristian kichi zousie in vangam sepai ding, Pro-Pastor,

Pastor, Evangelist, Evant. Sangsye aki la a, amauhte anasep pipen khu “Hundamna nah” ahia, sepaite’n training zaw chieng a kasam aneh bang un, Bible a zil zou chieng un, tam anuoi a chitna neite interview abawl ua, achingte khu khawmpi ah Pasian mai a zuau gen lou ding dohna akibawl a, Pasian hatna aw na za ei chi’n Moderator in adoh chieng in ing ka za hi, achia tuachi’n Ordination atang ua, tam anuoi a chitna neite khu ordained ahi uhi:

1). Laisiem BD, M.Th. 2). Mipiengtha 3). Itna nei (Jesun nei) 4). Thumzing mi 5). Tep leh muon bawllou mi 6). Mi thumang 7). Pasian na ginum tah a sem mi 8). Galati 5:22 Hagau Gah neite 9). Johan 10:11. Belamte adia ahinna peh ngam. 10). Joshua 24:15. Kei leh ka innkuon te’n Mangpa na bou sem va ung. 11). Exo. 32:32 Amite adia gotmun lut ngap. 12). Gen. 6:8-9. Mangpa hepina nga, tukhang adia midih leh hoi bukim 13). Gen. 7:7. Innkuon a hundam

3). Pro-Pastor/Pastor, Evant. nnasep ding dan:

Tam chitna point 13- te ban ah adang nemping tawndan a hinkhuo zangte khu Pasian in ana sem ding a ahat. Pasian Aw zahte ahi ding ua, tua hilou a sum leh pai ngainatna a semte khu agah muh ding aum sih a, agah tasun zong amindan asanpiehpiuoh a, a “Hut” ahi bou hi. Pasian Aw zahte, itna neite khu ahinkhuo zahdan uh atangpi in:

1). Zingmawng matah in athou ua, amite hundam ahithe na di’n khupdi’n a thum zing hi (A toka en lei akhup zawn apan ding hi) 2). Devotion akai zou chiengin innsuon tuon in damloute, kituohloute, Meithaite, khamthei nete, sawm-a-khat pehloute, piengthaloute, apoimaw dungzui in 9:00am tan avah ding a tuazou chiengin ann neh van 10:00am in kipan kia van aji toh innchin tuonin avah ding ua, damdoi inn a umte inn mun a damloute athumpi ding ua, Mangpa’n asudam ding hi. 3). Nitah annhuon hun chiengin akholdam ding ua, Biehin kaini chiengin Biehin kai va un, Biehin kailou ni chiengin innchin tuon va un, abielsung ah gieh zel va un, apoimaw dungzui in zannih, zanthum anupa un agieh ding ua, igam, ichi, inam ahing dam ding hi.

Thamlou in, Pro-Pastor, Pastor, Evangelish, Evant. Teacher te’n niteng a anasep uh Whatsapp ah hing ha uh leh (Office a te zong) Nute, Pate, khanglaite nitah teng in thum gige bang hita leh bangdin Hagau lam a halthahna tung lou ding e? Speaker thei ding umlou ding e...! Tu’n aum sih speaker ding chi lei, semtute lah ah khat leh ni ana umkha bang hita leh zuau gen kisuohthei ahi. Semtute’n India Govt. nuoi a nasemte bang in sem uh leh bang di’n igam, inam, Hattuum chidam lou ding e? Tua tantan zong chi sing 50% tan be in sem uh leh Mangpa’n igamsung, inamsung hagau a hing tapnom lou ding ahiei? En in, Siempute’n sil asukhiel/asep ding aseplou cheingn, bang hing chi e? Pa Abraham in amaitam a ihmud san ziehin Israelte kum bang zat vahvai e? Nidang lai in i Pastor uh Rev. O.K. chi mikhat aum a, aman abielsung ah innchin tuon in Pasian gam nna asem vevaw hi. Tudinmun ah muh ding khat umlou hileh kilawm talawm e...! I semtu khat Pasian in ahing got chiengin a et-ha talawm veve a, ama mei gawt lou in, akhang asumang sah a, ama sepna biel a umkhate hagau in nuasie in, sil chizathuoi pipi Upate’n hing bawl in, sawm-a-khat toh Biehin/Nuapang sunday School ding leh atuomtuom ah

kizang thopthop ta e, laa phuoh tu in hun kidang ven.

4).Tamtoh kisai in tehkhinthu chini houlim va ui:

1). Football Committee: Khover ah gam tuomtuom te adia thunei/ leng khat aum a, ka nuoi a gam umzousie in football committee hing siem unlen, nagam min leh min hoi thei top hing phuoh unlen, na Club min ding uh ahia, ahin na nam min vang Club min a na hing phuoh lou ding uh ahi. Tuachi’n Club min kilawm tahtah ahing phuoh ta ua, gam khat in, thuneipa/lengpa thugen la ngailou, i min uh i thangsah ding ua, i nammin phuoh ding chi’n anam min apphuoh ta uhi. Club min ding in a nam min apuoh ua, Committee ahing siemta ua, tua committe ten, mi gam toh Cup kituh ding in notice ahing bawl ua, sum leh pai nehguh in, asiem lou ngen ala ta uhi. Mikhat chau ball peh siem ala kha ua, gamdang toh World Cup ahing kituh ta ua, gam khat beh azou sih ua, hinanleh mikhat in Goal khat akhum kha zenzen a, thunei leh lengpan ka nuoi a gam zousie in khat in azaw leh khat in gam khat zou, nou migenha gam

na Club na nam min uh na bawl ua, zum huoi seng in, thumanglou toh hing zumsah seng nahi man un, chi’n Footbawll peh teng leh Goal ngahpa leh Committee teng khailia ta hi. Goal khumpa pen thupi tah in atawi sangta hi (Hagau mangthai man dia seh a umten khatbeh mangthai imat lou leh a vaihawmte toh hing kikhailia ding ahi mai hi).

2. Kungfu Master kila: Nidanglai in pasal khat kungfu siem mama khat a um a, aman naupangte kungfu hil ding mi kum 60- nuoilam interview abawl a, Law (Pay) Officerte law pieh ding achia, interview ding dan ahi leh siekuol sung a namsau hiem vot kipei in, tuana kikho lut ding, namsau in ahing vaikhah leh tunni kisuoh himai, ahing vatkha lou leh appointment muh himai, mi nemp i ahing pei ua, tua siekuol sung ah akikholut ua, alut masa tunni kisuoh masa ahia, anukhiate zong adam aum sih a, atawp in mikhat apeisuoh a, adam hi. Tuapen appointment amuh a, hatte nemp i ahia, telte tomnou ahi chi ding, semtute dia kingaituoh hun ahi. Simtute leh azui dia mansa umte, Mangpa’n guoljawl in vangbuoh taken, Amen.

PUMKHAT A HING HI THEI NA DING UN

(Johan 17:21-22)

By:- Upa Thangzasuan
Vaal Veng.

“Pa aw, nang keima ah na um a, kei zong nangma a ka um bangin amau zong eima a pumkhat ahing hithei na ding un tualeh nangman kei na hing sol ahi chi khovel in agintat theina dingin” achi hi.

Thumapui:

Pasian thu ichi pen ahuop lien mama mai hi. Hagau lam sil a um a, khovel lam sil zong a um hi. Mimal a ding a um a, nupa a ding zong a um hi. Innkuon a ding a um a, Hattuum te a ding zong aum hi. I NAM a ding a um bangin IGAM a ding zong a um zel hi. Tuatah lah ah ipawlp i uleh INAM lam a awndeu in ihou lim ding hi. Ei singtangmi te pen Manipur singtang lam tengma ah, iteng phingpheng uhi. I ham ipau uh iki thei tuo chiet ua, imin, imel te uh zong a kibang hi. I tawndan u’leh isakhuo uh zong akibang chiet hi. Hinanleh, pumkhat kengkhat in, iding khawm ut valong sih uhi. I ki tuombawl tentun ua, ikihui tuom tiptep uhi. Tuapen Meitei ten theiva teh lou in angdou khawm ta uhi. Tuatah in ut leh utlou thu umta lou in, ing kipumkhat ta ua, i pankhom uleh tuni dong in iki hum bit zou uhi. Kipumkhat khu Manpha hina va ia e thupil khat in min ang dou leh ipang khom a ihat hi, ama bou ei leh ei iki dou leh ikikhen a, i mangthang hi, achi khu atahtah in ihing muta uhi.

Kituoh theilou a, ki elngat liuleute pumkhat a hing bawl Meitei te kung ah, nuomthu vagen dingin hoi kasa, tuami toh khu ahi I Mangpa Jesu thugen Vannuoi a gingu zou sie ikipumkhat thei sih leh zong nam khat hamkhat zang teng beh kipumkhat thei lei maw? Halhana limna sui a, ann ngawl a hamtap ngai non lou ding ahi khu aw. Mizo gamte Khasi gamte ipah la na ukhu, akipumkhat zieh uh ahia, aminthang zou mama uhi. A mimal mal a i et leh ei sang a mawzaw bang a um ua, ei sang a zong zawng bang a um ua, ei sang a melse zaw zong atam uhi. Hinalah aminthang khom mai uhi. Tuamabang in ei zong kipumkhat u’lei bang ding in ihatlou tuom diei? Ama uh ma bangin itam ding a sum ihau ding a, Hospitalte, College te inei ding a, ahampha ding eite ma ihi veve hi.

Sawltah Paul thugen khat ngaikia vai,”Ka unaute aw, nouten na unpi un, thu kibang na gen ua (na ham uh akibang a) na lah ua kikhen na aum lou na ding in lungsim kibang leh

ngaituona kibang a, hoina bukim a nakigomkhawm theina dingun Mangpa Jesu Khrist min in kahing ngen hi”, achi hi. (I Korin. 1:10). Nah poimaw hina vaia e aw, tahaw ahi igen ding uh chikia sawnsawn vang tate haw ahi igen ding uh, kum sawm sagi vingveng bang in a gen uh ata diei? Kikhenna ngen, kituohmaw na ngen, Hattuum khat zong kituoh thei talawm lou, ithugen un pelou deu ama de aw maw? Pientha ding thu te, zatep, tuibuh thute, kuva thute, numeite vei lang a pasal te tou ding chite pou, ibuoipi kal un, ahoina mu ding umlou kikhenna ngen kikhenna ngentang toh kum 70- zang bei ihita mai uhi.

Tawm nounou in iki huoi chiptep ua, chin leh ha toh ipan hang un, Pasian itawilawm zou sih ua, iminthang sah zou sam sih ua, agam zong ikeh zou tasih uhi. Mitom, pawltom te panna ding mawngmawng aum sih hi. Pentecost ni in zong mihing somthum toukhat hi uleh Hagau siengthou hom a um lou top ding ahi, azieh khu, mihing tulthum tah ahi ua, alim mama uhi, polam a um ten zukham abang uh achi hiel uhi, tuabang a alim ding kham umlouna ah, Hagau akipe ngai sih a, limna zong halna zong atung ngai mawngmawng sih ahi.

Nilaini nitah Biehinn kai tawm noukhat, lim teitei sawm la

ngai nounou teh lim zou lou, nupi khat in, ka limna la hing tel un chi isah leh zong kilim tuon kan lou mi tomnou khat lim zuazua chi ithei ngai sih a um zong a um thei sih hi. I Mangpa Jesun apa kunga pa aw, eini pumkhat ihima bang a, ama uh te zong pumkhat ahi theina dingun chi in, Khross dawn ah, Eloi eloi lamasabak tha ni ka Pasian, ka Pasian (kaliemna mate ka thuoh zou non sih) bang ding a nang taisan ahiei? chi in aki kou vongvong ahi. Tua khu pumkhat ihi ding uh adeina zieh ahi vevaw hi. A thuohthu ding um lou in, kipumkhatna um theilou ding ahi. Inam, ipawlpi uh kipumkhatna ding in koi e? athuoh ding, koi ahiei akipe ngam ding um uoi? Koi e ataan ngam ding? Koi e agen ngam ding? Koi e kipan ding? Meitei ten la eloi hing gom kha lou ding hia maw? Tuazieh a ei mama ikipat sih uleh midangten vang ituom um tiltel ma phaze sazaw tham ding uhi. Tu dandan a i um uleh vang ipichinna ding in kum za luttouna lai ding a, imu man, izou man ta sih ding hi. Tuaziehin muman, zouman iut ua, ipichin mel imu ut uleh tu khu ahun laitah ahi. Eima ikiphal pou uleh mihing tomnou khat lim vapuol, laam vapuol chi um ngailou ahi, gending tampi nuasie in, zouphat vai. Simtu zousie Mangpan hing umpi taken, Amen, Lungdam e.

Pasian thu thei belapna ginna ah pichinna poimaw

(Hebrute 6:1-3)

By:- Upa Suankhanmang
Tangpijol.

Hebrute 6:1: “Tuaziehin Khrist thubulte nuasie in, pichinlam manaw na ding kikum zaw vai, nasep shisate apat kisanate, Pasian lam a ginnate, Baptisma tungtang a kithuhilna te, khut ngapna thute, mishi thawkia na thute kumtawn thukhenna thuhilna thubulte, phumkia nonlou in Pasian in pha asah leh tambang ibawl ngei ding uh ahi.” Hebrute hunsawttah gingtu ana hita mananleh Khrist Khantanhoi thu abul apat a genkia kia angai zieh un Tuaziehin chi in gingtute umdan ding thu ang gen pan hi.

Khrist thubulte nuasia in: (“The Principles of the Doctrine of Christ”). Tammi umzie khu Bible a Jesu Khrist ahina dihtah. Thuhunlui in ana gensa khiei ngaidamna ding a kithoina sil latte siempu nasepnate, Biehinnpa a mun siengthou pente leh Jawlnei nasepna zousie khu Jesu Khrist etsahna ngen leh Khrist thubul ahia, tuate zousie sutsut nonlou in nuasia leh topsan a tamte zousie khu ahingpei ding Jesu Khrist leh anasep dingte genlawhna ahiman in, tu in ama ngel Khrist hing peita ahiman in sut kiakia angainon sih china ahi.

Pichinlam manaw vai: Hebru gingtute in Messiah tanchin ana theisa uh, Jawlnei ten zong ana genlawhsa uh, alim leh aguonggal Thuhunlui hun lai a ana anasep zouta uh Jesu khu atah tah in ahing tangtung ta a, Aron suon leh hah Siemputnate, Levi chite siemputna te khelna zieh a kithoina sillatte,

apoimaw non sih a, ngaisang a, ngai poimaw ding ahinon sih, Pasian in melkizedek bang a kumtawn siempu Jesu Khrist khu ahing peta a, Ama ah silbangkim abukim siengta a, tuaziehin THUHUN MASA a nasepna zousie abukimna leh asubukimtu Jesu Khrist lam khu manaw va ui.

Nasep shinate: Tam nasep shisate chi umzie khu, silkhat pou pou adihna leh adihlouna enchienlou a, adih lampi adih bang a pom a, manthaina hing tut thei dingte ah apha tuom lou ding a nasepte china ahi. Leitung ah adihvotloupi akilawm atam a, adihvotloupi akipah huoi atam a, mihingte mitmu in kilawm in kipa huoi nanleh alungtang sunggil uah bangma a um sih leh tuabang phattuom lou nasepte apan a kisia a tawpsan khu Pasian deidan ahi.

Pasian lam a ginna: Ginna khu muthei lou, lungtang a theichetna ahia, tuabang a Jesu Khrist

hundampa lungtang a theichien a ama hundam ding a Ginna nei a pom mite khu Khristian ahi.

6:2: Baptisma: Min akhelna kisia a Jesu Khrist hundampa a ahing pom chieng a, tuabang mite Khrist toh kipumkhatna, Pasian Hagau siengthou pawlna a hinkhuo lui nuasia hinkhuo tha chiemtena, Pasian tanu, tapa ahina lungtang a ginna pen pulam a chiemtena Pa, TAPA, Hagau siengthou min a Baptisma khu ahi.

6: Khut ngapna: Damlou thumsahna, guoljawlna ngetsahna leh lamkai damdetnate ah Judate in tam alutung ua khut ngapna khu a uongbawl mama uhi. Tuamabang in nuazuite in zong ana bawlzel uhi. Hinanleh tulai in akingai poimaw talaw non sih hi. Jesu Khrist nuazuina ah atung ua khut ngap sese khu apoimaw pen ahi non sih a, azieh pen Jesu Khrist in ama tahsa leh sisan khiel kithoina in alan khe zouta a, mikhielte ngaidam a umtheina dingin Koss tung a ahing shina in guoljawlna thupitah eite a ding ahing bawlpieh zouta hi. Tuaziehin Khrist a pichinlam a kalsuonna ah Judate bang a khutngap sese pen apoimaw pen ahi non sih chi in Hebru gieltu in ahilchien hi. Ngai poimaw nonlouna a zieh khenkhatte:-

1) Nuazuite khu Hagau a dim ahi

ua, mitung a khut angap chieng un, Hagau guoljawlna khu apethei tahtah uhi, hinanleh tulai a eiten tambang in ipethei sih uhi. Koima Hagau kipethei um nonlou ahiman in, khut ngap leh ngaplou in umzie anei non sih hi.

2) Jesun Baptisma angai poimaw bangin, khutngap khu bawl zel ding in angaipoimaw talaw sih a, tuaziehin khut ngap pen Dan hilou in eima sie leh pha theina ah akinga hi.

Mishi thawkiana: Tam mishi thawkiana khu sahkhuo dang ah kizilsahna um sih a, ei Khristiante bou in mishi thawkiana igingta ua, ithuginpi nga na ahi hi. Khristiante kinepna leh lam etzong khu shizou chieng a thawkiana ahi tammi igingta a, pom loute Khristian ahitheih sih hi.

Kumtawn thukhenna: Tam kumtawn thukhenna a siemtansah a umte khu kumtawn in koiman siemmaw atangsah thei non sih ding a, tualeh kumtawn thukhenna a siemmaw tansah a umte khu kumtawn in koiman siem atangsah thei kia non sih ding hi. Tam kumtawn thukhenna zong Khristiante pomdet leh thugin ahia, tam kumtawn thukhenna a siem hing tangsah I Mangpa Jesu Khrist gintatna a ginna a pichinlam imanaw theina ding un, Hagau lam lunggulna hinkhuo nei va ui.

TATE KEP DAN LEH MOU LEH INNPI KAL

By: Nu Tingzavah

Translated by: Upa T. Mangnou

Thumapui

Huisie guosie leh tahsa leh hagau, lungsim tanpha hasatna tam tah leh mittui tawh ka laigel, Zou Bible Dictionary kum 13-tan hing puitung a, dated 8/7/2025 (Synod Theological Committee) pang malam Synod khuta ka aapkhieh doh thei zieha Ebenezer Pasian kunga nuomthu gen malamin, ka mabanah Bible Concordance leh English Zou Dictionary sep ding kanei nahlai banah, Kristian Tangkou article ka pieh ding honpi kawmkalah tam Nu Tingzavah Seminar paper dated 10th April, 2025 copy ka na mukhah sima, hawmzaah lou ding pammai kasah ziehin Thadou

hama kigiel Zou kama letin kang luikhie hi.

Tam Paper khu Hattuum bulpi ahi zieha ngaikhawhna lien neiin, keima thakhela Zou Synod leh alimbel suonsung nute kungah tam lai tungtawna Innsung siemkhe chet dinga Appeal bawlin kang suokhie hi.

Mangpa'n tam paper zangin Innsung hoi hing siem khe ta hen.

1).Tate kep dan

i) Tate kep na dingin thumna poimaw:

Thumna khu gingtute dinga poimaw leh I thum zing dingua Pasian kammal ahi. Bible a imu bangin, kei louin bangma nabawl thei sih uhi achi hi. Adiehin innsung nu khat hina-ah thumna atam sih leh I thahatna a izaw ding bangma um lou ahi. I galvan hoi

tah khu THUMNA ahi. I innsung, I namsung, leh igam sung dingin thum zing lei dei ahuoi ma ma hi. I Pasal, I tate I teeh, I khang, I moute adinga I thum zing ding uh ahi. Hutdamna dihtah nei nailoute adingin zong thum hat angai hi. Thumna loungalin Innsung leh nam sung siemphat thei ahi sih hi.

Laigiel minthang Evan. Dr. Prakash Yesudian kichi pa Vanleng sunga khuolzina atou laiin ageia mi khat ham lou kei in atou hi. Nehthei dawns thei kihawmte zong la nuom louin aum a, tuabepin Dr.Prakash-in 'a dam lou na ma? Bang chi na hiei?' chia adoh leh, amapa'n 'bangma natna zong kanei sih a, tuni khu Ann ngawla nitum tana kathum ni ahi", chi'n adawng hi. Tuabepin,Dr. Prakash in zong, 'eh! Bawl hoi vawt chie unaupa, ngaisang huoi tah mi khat hichie, Bang biehma nahiei?'

a chileh amapa'n, "Setanic!" ka hi a, tuni khu Kristian, innsung lah suhsiet na dinga anngawl-a thum ni ahi', ch'in adawng hi. Tam thu in Kristian hinkhuo adingin chouna lientah ei pie hi. Hichia Setanic bawn Anngawl zeena Kristian suhsiet na dinga thum thei ahileh, Kristian insung siem hoi na dingin Kristian etton lawm thu khat ahi hi.

2) Tate kep na dingin Insung maitam poimaw hi (Gen.8:20; Job.1:5)

a) Kristian innsung nuom siemkhiehna thuguh khu Insung maitam ahi.

b) Ki itna ahi. Lung kituoh taha Nu leh pate'n pan laha tate tawh maitam siem khawm ding ahi. Innsung maitam siemkhawm thei loute khu a ki lungtuoh thei sih uhi. Maitam siemkhawm zing ding lunggulna khu insung mite kikaan khawm zing ding china ahi. Tualeh innsung nuom hithei na dinga I lunggul chiet ding ua poimaw khu thumkhawmna, Pahtawina lasah khawmna, Bible simna, ki hasotna te nei chiet apoimaw mama hi. Innsung maitam khu aguha Paian galvan lahna ahi a, D.L.Moddy-in "Bible sim nuomlou, thum nuomlou-te laha Kristian mi manpha aum doh ngai sih hi" achi hi.

Sum leh pai tawh inn thupi

tah lamthei ahi a, Insung nuom vang asiem thei sih hi. Innsung nuom kichi khu, a inn hilouin, asunga tengte zieh zawh ahi. Insung Nu leh Pa Hagau ngaina te'n innsung maitam khu Missionary sawldohna'n azang uhi. Tua banah Hagau mangthai ngainatna tawh ang khangdoh khawm uhi. Mipil mimawl koiin zong Missionary Na I sep theina ukhu Thumna ahi. Thumna a Missionary nasep khu Hagau mangthai te ngainatna ahi ziehin eima ei khoi kha thei khopa thum tah tah angai ahi. I innkuon ua ni khat beeh thumna tawh Mangpa nasepna'n zah sawm va ui. I innsung khu Missionary field ahiei? En pha va ui. Tuaziehin Nute'n pan nasataha lah angai hi. Mittui tawh Mangpa bel zing vau. Noah-in a zi a tate amoute hoi taha a khoukhah ziehin, shina apatin ahunkhie a, eite'n zong leitung gitlouna a patin innsung mite hutdoh sawm va ui.(Gen.6:7).

3) Hagau lama tate puihuoi ding dan:

Tate etkolna-ah Nute'n mawpuohna lientah inei uhi. Tate khu Pasian apata goumanpha pen ahi ua, a enkoltu dinga ngansie na lientah tangte ihi uhi. A hinkhuo uh mantam tah keptup ding leh Pasian silpieh te enkoltu dinga ngansiena lientah tangte I hi ziehun, aneitu Pasian theizing

a etkol khu a poimaw pen ahi. Ahinna nei pa, Pasian dihtah nei louin khangliensah ihi khah ding sil zauhuoi tah ahi. I tate tahsa Hagaua mi isuo ding uh ahi a, ei Nute'n mawpuohna lientah inei uhi. Tate Hagau khinkhuo siemdoh na dinga ann leh tui ngawla maitam siemna hun zong nei zing ding ahi (Mat.17:14-21). Naupangte hagau khu Pasianin a- it hi (Mat.18:14). Nu in a tate a itna khu tahsa lam thu ahi bou ama? Hagaua tate it Nu nahi nai? Pasianin Leitung pumpi sanga Hagau khat a-it zawh ahi. Na tate nait leh Hutdama naumsah anai? Innsung khu tate adia school masa pen, Nu khu oja (teacher) masa pen ahi. Nu khu tate kunga haichi tu tam pen ahi uhi. Hagau thu leh tahsa thu heizawh natu tam zawi? Na chi tute hing gadoh ding hitaleh nalung akim nadiei? Proverb.22:6-a "Naupang khu apei na ding lampi zui sahin, ang pichin nua chiengin zong apielmangsan nawn sih ding hi" achi hi. Sapte thupil khatin "Abul I pat dih leh a kimkhat zawsa ahi achi hi," (A well begin is half done). Tualeh, ei pu leh pate thupil in zong "Sia asat laitahin sat in achi kia hi" (Hit the iron when it is hot!).

Tate khu tunua chienga gamsung leh Nampi dinga khuompi ding ahi uhi chi mangngil het lou ding ahi. Tuaziehin Nu leh Pa te'n tate khu hoi taha Hagau lama I

etkol ua, I khoukhah uleh mipi vantang leh gamsung siemdoh ihi dinguh ahi, I innsung chiet kinua hei vaiin, enchien kia va ui. Pasian lungkimna hinkhuo azang uoi? Pasian vanzah thei lou khu Setan vanzah hitei ding ahi uhi. Tate etkolna khu Pasian Lenggam nasepna ahi ziehin ngaidau thei ahi sih hi. Hutdamna lampia ipuilut tei ding uh ahi. Kala 2:19-na a, "Zanlaiin Mangpa kunga thum dingin kipan khe tanaw'n khopi ngahte kipat pat-in hing pang in, Mangpa angsungah na tate hin thei na dingin kholai dung lamsuom suoma vahmangsa na tate dingin," achi hi.

Tate khu bangchih lai poua Pasian thutah theisah zing ding, hil zing ding ahi. Deuteronomy 6:7 "Tam teng khu nangma'n innsung a natou hun hiin, lampia nava kawi lai hizongleh, nalup hun hi henlen, na thawdoh hun hizong leh, a unpia na-tate na gen pieh a, lunglut taha nahil zing ding ahi" achi hi. I theilou kala melmapa'n I tate laha piengthalou ahi sihleh, Khrista-a hinna neilou-te khu innsung suhsiet na dinga vanzaha anei zel ahi. Ahun peta pienthana anei ukhu, Nu leh Pa te kipana leh Pasian lungkimna ahi. 3Johan 1:3-in, "Ka tate thutah a ahin thu kazah zieha ka kipana Sanga tungnungzaw kipana dang kanei sih hi" achi hi.

4). Tate tunga mawpuohna tawh kisaia mipil-te thugen:

1) Evangelist lawching ma ma **Bill Sunday** in: “Krist nua kazuina leh ka tate tawh Hagau lama Pasian kabieh khawmna uh ka ki khensah khu kabawlkhiel lien pen ahi” chi’n a kisia ma ma thu ana gen hi. 2) **Catherine Booth** in: “Aw ka Pasian! Na anga innkuon kim loua kadin ding kangaingam sih hi chi’n sun leh zanin a tate hagau hinkhuo a dingin athum thum zing hi” 3). **John leh Charles Wesley te Nu Susana Wesley** thilbawl: ‘A tate hagau lam hinkhuo a dingin nichinin thumna hun khat ana nei zing ua, a nua lamah a tate ni khu laphuo siem minthang tah ang suoh gel hi. 4). **Thupil khatin**: “Na tate hagau hinkhuo na-it leh sum zang se louin hun zang zaw’n” achi hi. 5). **Juliet Thomas** in: “Na tate Hagau lam hinkhuo khu na louma bangin gel inlen, nang khu tam munah lou nasem bangin kikoi in. Hagau thu tu lachin hutdamna ga nalaw ding ahi a; Thumna tawh va in, tui buoh zing lachin ... ga tam tah ang suo dinga hing khangtou ding ahi” achi hi. 6) **Psychology khat** in: “Nu aw! Na tate hagau hinkhuo nasiem na dingin kum 5 khu avaigei lam ahi ta hi; tate hagau hinkhuo siemhoi kichi khu apien masang ua pata kipan ding ahi” achi hi. 7). **Bishop Bill Clinton** in: “Naupang khat hinkhuo ahoi

lama pui na dingin nu chilou koima dang aum sih hi” achi hi. 8). **Billy Graham**, “Ka tate khu kum 4/5 a piengtha suoh ahi ta uhi” achi hi. 9). Grik mipil **Socrates** in: “Aw ka in vengte noute’n na tate uh va na dingin gamlatah-ah sum sui-in napei uh hileh, na gouluo ding na tate uh hagau hinkhuo bangtobang ahi uh chi nathei dan sih uhi” a chi hi. 10). **George Berna** in: “Tate thuhil na dinga vanzah hoi pen inei ukhu a-etton thei ding ua I musahuh umdan hoi (hagau a) khu ahi” achi hi. 11). **Billy Sunday** in: Nu hoi aum chiengleh tate dingin atasam aum sih hi” achi kia hi.

5).Hagau lama tate etkolna:

1). Tate etkol ding khu Pasian hatna khat ahia, ei kihatna dungzuia michinin Pasian aanga i-tateuh I etkol dan chiet iphuonkhieh ding uh ahia, tuazieha ei kihatna dungzuia pan ilah chiet ding uh ahi (Eph.4:1). Nu nanging, na tate Hagau hutdama na umсах zou anai?” 2). Pasianin tam mawpuohna khu lei kisiem chila pata mihingte tunga ana pieh ahi ta hi (Gen.1:27,28). 3). Tate etkolna khu thei in, thei sih zong lachin tung Pasian tawh kithuo khawm zing ihi uhi chi mangngil lou ding ahi (Gen.4:1). 4). Tuazieha tate etkolna a Pasian lam I-et ua, Pasian tawh i-etkol khawm dinguh ahi. 5). Tate khu Pasianin nu leh pate’n I-etkol ding ua eipieh uh goutan

ahia, tuazieha Pasian in adei dan dungzuia i-etkol uh angai ahi. 6). Tate'n zong Pasian a ahi lam uh athei ua, nu leh pate khu amaute a-enkol dinga Pasianin apansah ahi dan thuguh zong khu tate hilsiem a atheichien uh angai hi. 7). Tate etkolna khu Pasianin nu leh pa te n nasepna khata apieh ahi chi zong mangngil lou ding ahi. 8). Tuazieha Nu leh Pate'n tate khu agah taah ua, achilkhau ua, akhanletsah ding uh ahi (Eph.6:1-4). Azieh pen tate khu Pasian apata goutan (silpieh) ahi ua, a etkolna naa (ministry) Pasianin ei pieh uh ahi hi. 9). Pasianin nute pate tate tunga mawpuohna eipieh uh khu ilawchiet dinguh adeia, l lawchin uleh khantou matal nadia nnasep ding tampi ei pieh be zel ua, amavang a lawchin sihleh siemmaw atangsah zel hi.

6) Hutdamna lama tate tunga nute mawpuohna phabep:

1). Tate tahsap lientah khat khu a hagau uh hutdama aum ding khu ahi. Nute'n tate hagau hutdama umsuoh sah ahi na uoi? Enchien kia va ui. Khelna neisa a pieng ihi ua, neunou khat ahi ua pata hutdamna thu hoi taha hil ding ahi. 2). Leitung pumpi sanga Pasianin Hagau khat angainat zawh ahi. Nangin na tate hagau tawh Leitung heizawh na ngai poimaw pen ei? Na tate na-it leh hutdama

naumsah ahi nai? 3). Pienthana neilou tate zousie meidil a pei ding uhi. Na mawpuohna na thei chien nai? Lai a siem pou ua adam pou u'leh lungkim mai ding ahi sih hi. 4). Bethsy Hatlon-in a insung leitunga mun nuom penin asiemdoh hi. A tate iengkop um nalai, khutni kanei laisie'n ka tate taga in koi sih vang achi hi. A tapa D.L.Moody matahin a piengtha in Leitunga thugen minin a siemdoh hi. 5). Tate khu ahun taha Pasian thu ihil ua, a hun taha hutdamna lampia ipuilut dinguh khu nute mawpuohna laha alien pen ahi. 6). Nu leh pate'n lateuh nuazui dihtaha isiemdoh uh angai ahi. Amasapen a ei haw nuazuia siemdoh masah angai hi. 7). 2 Sam. 17:34-a David-in Pasian akisuonpiin, Belam susethei/that thei sahang tea that zel a, Belamte ahudoh zel hi. Nute'n zong Leitung gitlouna nam tuomtuom apata tate ihuhdoh thel in a dingun Thumna tawh thuoin Mangpa hatna suongin pan la va ui. David Pasian khu eite Pasian zong ahi. 8). 2 Lengte 11:10-12 l etleh, Jeshoshaba in migilounu Athalia khua shi dingsa nausen ana huhdoh bangin eite'n zong Setan khuta um khelna a shi ding tate naute haw huhdohna dingin genthei thuoh dingin kiphal va ui. 9). 1Sam. 30:1-20; David-in Amalek mite apata a zi atate huhdoh na dingin Pasian adonga, del in nap ha tei tei ding ahi achi ziehin adel

a azi atate leh a vante uh kim tahin a nuamu hi. Eite'n zong khelna in gamla taha a puimangsa l tate aum thumna tawh pan la vain, del va ui. 10). Tate hagau khu Krista ang

a ipulut ua hutdama aum masie uh belum mangsa sui banga isui ua, summang sua isui ding uh sil poimaw ahi hi (Lk.15:4,8).

Mou leh Inpi kikaal to be continued

JABEZ THUMNA

(The Prayer of Jabez)

- Dr. S. Thangboi Zou
Contributing Editor, KT

JABEZ min umzie:

1 Khangthute 4:9-10 ah Jabez kichi Israel mikhat thumna kamteng kimu hi. Jabez in Israel Pasian kunga athumna khu Bible sunga thumnate lah ah chiemte tham khat ahi. Amasapen in Jabez min umzie en vai. 'Jabez' kichi laimal Hebrew ham ahia, a umzie (meaning) ahileh natna ahisihleh lunggimna (sorrow) china ahi. Apienna anu in Jabez khu apien lai-in ana gimpi mama hi, tuami manghil theilou in amin ding in Jabez (gimna/natna) chi'n phuosah hial hi. Tulai in eilah ah zong nu khen khatten ata khenkhat anei lai in ana gimpi diah te khu alet todong in apien lai a agimpidante gengen nalai uhi.

Mi Zatathuoi (honourble Man):

Tambang a min ngailoutah mai ananei nanleh, Jabez pen Bible ah mi zatathuoi in kichiemte hi. Khangthute laibu bung isim chiah khangthu in dim a chimhuoi phial hi. Hinanleh Jabez tanchin akal a kizep telpen hing kigensau deu hi. Bangzieh in? Israel nam a dia gal lienpi asat a, ana jaw zieh kichilou a, anam a dia suongphum thupitah ana phum zieh zong hilou, humpi bahnei ana mat zieh in, chi zong ana hi tuonlou in, Pasian kunga

THUMNA ana nei zieh in, kichi hi. Thumna khat zieh a khangthu-a chiemte tham ana ching ahi.

Jabez Thumnate:

(1) Na Hing Guolzawl ding a (That You would bless me indeed):

Pasian kungah agualzawl na ngen himasa lou in, phuut (claimed) hizaw hi. Jabez pu-leh-pa Abraham kung ah Pasian in "Nam thupi in kahing siem ding a, kahing guolzawl ding, nang khu mite guolzawl na hi ding.." chiin anachiem hi. Tuami

guolzawlna apupa kung a Pasion in ana chiemsa pen Jabez in phuut hi. Pasion in guolzawlna kichi aguoh in koima kung ah apesih a, mopuohna toh pekhom hi. Aguolzawl mite khu midangte a dia zong guolzawlna ana hi sawn ding adei hi. Midangte a dia giolzawlna (blessing) hi khu guolzawlna phatuom leh gasuo ahi. Methodist thugen Rodney Buchanan in 'nangma nopsahna ding chauh a guolzawlna nathum leh namu sih ding. Midang saanga pilzotna di mai ahisihleh kipilsahna ding a pilna-theina na nget leh na mu sih ding', ana chi hi. Pasion in I Nnasep ang guolzawlna zieh khu midangte ihop (share) sawn ding adei zieh ahi. Jabez in lungsim neu lou a, midangte a dia guolzawlna ahithe i nading in Pasion kung ah ana thum hi.

(2) Kagam Na hing liensah ding a (That you would enlarge my territory):

Jabez ahileh Juda nammi lah ah vaihom phung/nam (ruling class) ahiman in, khatvei chieng in khosung, gam kuol vaihawm ding ahi. Tuazieh in mi tampi ateng a, avaihawmna alet theina ding in gam lien ngen hi. A innsung a ding leh a beh leh phung bawng mai a ding in thuum lou in, agam leh avaihawmna kehlet thei semna ding in vision lienpi nei a, Pasion

kung ah tuami ngen hi. Tunin eite zong thumna inei chieng huop zau leh vision lienpi neikom in thum vai. Leader tobang in thum vai. Mihing khat pen leader khat kichi chiet hi, eima mimal kithunun na ah, insung ah, sakhuo ah, khotang ah.

(3) Nakhut in hing umpi hen (That your hand would be with me):

Tamnah sil -2 muthei in um hi. **Khatna ah**, asil nget lien mama a, Pasion panpina-khut lou ngal a mujou ding guol hilou hi. Tulai in eiten zong sil idei ingai ahivanga 'kei a dingin lien seng' chia inget ngamlou a um ei? Ngen ngam vai. Jabez in zong ngen ngam a, amujouna dingin Pasion kung ah panpina ngen hi. **Nina** ah, Jabez silnget lien mama a, mujou taleh Pasion amanghil law khah ding jau in kiveng hi. Azienpen guolzawlna khu zatkhiel thei ahi. Genthei lai a Pasion kung a thum thum in, ang nopsah/hausat/lochinsah chieng a Pasion manghil, chi um thei talua hi. Leng David ngel zong anopsah phet in ana puosie hi. Pasion somakhat zong atawm lai in pieh nop nanleh atam chieng in pieh hasa kisa khathei veve hi. Tuazieh in Jabez in aloching chienga Pasion in a umpi zing ding adeina khu athumna point 4na ah gen kia hi.

**(4) Sietna pan hing veng in, Natna/
gimna katun sahlouna ding in
(Keep me from evil, that I may not
cause pain):**

Tamna ‘Natna’ umjie khu, Jabez in apienkhiet in anu a dingin natna gen guollou ana tung sah hi, chi manghil lou hi. Pasion guolzawlna atangzou chieng a, apienlai banga koima tunga natna/ gimna atun nonlouna ding in, thu ngen hi. Pasion guolzawlna tang nanleh Pasion in akeppi lou ahileh Setan vanzat suoh thei ding in, tuahunchieng in ama, midang leh Pasion ngei a dingin Natna (Sorrow) suoh thei kia ahi, chi thei in thungetdan pilvang mama hi. Hinkhuo a ihing lochin zou chieng in ang petu Mangpa kitheimobawl in, khovel peidan dihloou inasahte toh kijuisuh pai leh pomsuh pai in nehgu-tahguh, misol, zuou gen, neh-leh-dawn, tep-leh-muom te khohsahna kinei tawm kha jel hi. Khanglaite bang insung apat gamtuom a iva um leh amun zilh a vakhosa, va um suh pai, va bawl suh pai in innlam a ihinkhuo siengthou teng vaki buosah pai mawh mawh khajel hi.

Jabez in Pasion lungtang natna a pankhah ding jau mama hi. Bible in ‘Khelna in Pasion lungtang nasah mama hi’, chi hi (Gen 6:5-6). Tuajieh in Mangpa Jesun zong anuajuite kung ah thumding dan ana hil hi: “Solna apat hing hundam in” chi in (Mt. 6:13).

Jabez Thumna apat zilkhiet ding

(a) Ikhanggui bangchi in hoi in sia lehzong Pasion ltna thei ding ahi, azjehpen Pasion in bolpha thei hi. I background bang chibang in sia nanleh Paisan guolzawlna nget ding ahi.

(b) Pasion apat sil neunou hilou in sil lienpi nget ding a del ding ahi. William Carey thugen en vai, “Pasion apat sil lienpi lam et in len, Pasion a ding in sil lienpi zong bawl sawm in”.

(c) Pasion guolzawlna imu a ilochin chieng in ahing pepa manghil lou ding, tualeh midangte panpitu leh midangte adia guolzawlna hiding ahi.

.....

TUNNU LIMBEL PANPITE

July 2025

1. PWF Immanuel Khopi, Anntang 71kg
2. PWF Sangaikot, Anntang 50kg
3. PWF Teisalang 25kg
4. PWF Tuibuong, Anntang 106kg leh asum in Rs. 1,350/-
5. PWF Shillong, Anntang tang Rs. 6,000/-
6. PWF Bohlui, Anntang 28kg
7. PWF T. Daijang, Anntang 45kg
8. PWF Lailam Veng, Anntang 132kg
9. PWF Awnchinkap khuo, Anntang 79kg
10. PWF Kanaan Veng, Anntang 65kg
11. PWF Tangpijol, Anntang 60½kg
12. PWF Hiengdung, Anntang 36kg
13. PWF Buhsau, Anntang 30½kg
14. PWF Saiboh , Anntang taang Rs. 1,500/-
15. Nu Nousuanching, Central Church Rs. 1,000/-
16. Pa H. Kapneithang, Central Church Rs. 5,000/-
17. Tv. Kaplienmung, Central Church Rs. 500/-
18. Nu Nemkhonieng, central Church Rs. 1,000/-
19. Nu Niangkhanhing, Central Church Rs. 1,000/-
20. Nu Chiinmuonkim, Central Church Rs. 2,000/-
21. Nu Manneihat, Central Church Rs. 1,000/-
22. M. Hoiniang, Awnchinkap khuo Rs. 500/-
21. Pa Chinsuanthang, Immanuel Khopi Rs. 500/-
22. Nu Niangpi, Zomi Colony Rs. 4,000/-
23. Upa Gouzamang, Central Church Rs. 2,000/-
24. Paulianmang, Bijang in 5th Birthday lopna in Naupangte Sweet 1 packet
leh asum in Rs. 2,000/-
25. Evan. Khammuankhai in 43rd Birthday ni in naupangte toh Home ah
hun zangkhwam in naupangte ading in Anntang 50kg, Ahsa 2kg, Theitui
1 Box leh Sweet 1 packet apie hi.
26. Lutheran Youth Fellowship (LYF), Immanuel Khopi te apat Dal half bag
leh Anntang 1 bag
27. PWF Thingkangphai apat in Anntang 50kg, Daal 21kg, Sugar 35kg, Salt
22kg, Sathau 8 Bottles, Ahtui 5 Plates, Manggan 4kg, Ngari 3 packets,
Bongnoi 1kg, SIngpith 1 packet, Ahlu 2½ kg, Onion 1kg, Aisan 1kg,
Zeera 1kg, mimi Box 1, Soap 31 Pieces, Colgate 6 pieces, Surf 2kgs leh 38
packets, Goodnight 7 packets, Lingshi 2 pieces, Dishwash 7 Bottles leh 1
powder.
27. MELC M. Lunmual apat annteh meh (vegetables).

28. ZPCS Muollum		
i) Tv. Tutsuankhup	Rs.	40/-
ii) Nu Vungngailian	Rs.	40/-
iii) Upanu Nuamkhanngai	Rs.	40/-
iv) Pa Nehkhantong	Rs.	120/-
v) Upanu Vunghaulian	Rs.	300/-
vi) Smt- Hau Diamond	Rs.	350/-
vii) Nu Paungainiang	Rs.	20/-
viii) Nu Niangkhangching	Rs.	20/-
ix) Nu Dimhoiching	Rs.	40/-
x) Pa Min Zou	Rs.	30/-
xi) Nu Hangsuanniang	Rs.	60/-
xiii) Nu Chiinnuamvung	Rs.	150/-
xiv) Pa P. David Khupsian	Rs.	300/-
xv) Nh. Chiinneihoi	Rs.	40/-
xvi) Upa Hangsuanthang	Rs.	20/-
xvii) Nu Chingngainuam	Rs.	90/-
xviii) Nu Chingsianmuang	Rs.	20/-
xix) Nu Niangngaiching	Rs.	20/-
xx) Nu Chinglamching	Rs.	40/-
xxi) Nh. Mangdeiching	Rs.	2,000/-
xxii) Pa Lunminthang	Rs.	20/-
29. PWF Zoumunnuam , Anntang 64kg		
30. PWF P. Salem , Anntang taang	Rs.	1,120/-
31. PWF V. Bethel, Anntang 50kg		
32. PWF Thingkangphai, Anntang 102kg		
33. Pa Chinzakham, Central Church	Rs.	500/-
34. PWF V. Bethel, haithah a haichi te		
35. PWF Sabual, haithah a hai chite		
36. ZPCS Tuining		
1. Nu Hauching	Rs.	200/-
2. Tv. P. Thangminlal	Rs.	150/-
3. Upa Ginsuankhai	Rs.	50/-
4. Nu Neizem	Rs.	50/-
5. Pa S. Thangchinpau	Rs.	50/-
6. Nu Niangboi	Rs.	50/-

Petu zousie Mangpa'n hing guolzawl taken.

NOTE: A dihloou kha aum le office a suhdih thei zing ahi.

Sd/- Nh. Christina Chinghatkim
 Secretary for Women's Relation
 ZPWF

KHAILAI NI LEH PROJECT

Seugawl ha (August) sung a ZPYF Toh kisai thei ding poimaw te

1. Zou Synod sung a khanglai te a ding a ni poimaw Khanglai ni 31st August unit chin in tahsa leh hagau a aloh thei pen a zang chiet ding in Pasian min in iki chial uhi.
2. August 15 leh 16 2025 Chiang in Lakutpi Top 10 te Vocal Class nei ding uhi.
3. A 2 (ni) veina ZPYF Central Committee 27th May 2025 Resolution No. 8(b) na in ahing phasahpi dungzui in, Project Committee in project inei te uh suhpichin ding lametna toh Lucky Draw bawl ahi a. Tualeh Ticket pen District in hing muopuo sah a unit chin a hom gual ahi ding hi.

Lucky Draw toh kisai a thei dingte

- I. Ticket man khu khat ah Rs. 250 fix ahi ding hi.
- II. Agent koi hita leh slip leh sum kimtah a submit lou a um leh committee in a tungtang genkhawm ahi ding hi.
- III. A draw ni tan a sum lutlo te a ticket a shi ding hi.
- IV. Lucky Draw dang bang lou a ZPYF Project a ding leh Manggam nasepna ahi dan koipou in theisiam chiet ding in iki ngen uhi.
- V. Project pei lel inei te, Generator 20 KV & 5.5 KV, Portable Stage, Carnet, Samaina chite lungsim a thei kawm a thanuom tah a ticket juah leh ana lei chiet ding in iki ngen uhi.
- VI. A hing tung ding ZPYF Lakutpi 2026 hun a draw ahi ding hi.

Zou Presbyterian Youth Fellowship Project Committee Lucky Draw	 Zou Presbyterian Youth Fellowship Project Committee Lucky Draw <i>In Aid of ZPYF Project</i>
Sl. No.....	Sl. No.....
Name:.....	
Address:.....	
Contact:.....	
Agent Signature	Agent Signature
	₹250/-
	1st Prize: ₹ 50,000/- 20 Consolations: ₹1000/- each
	2nd Prize: ₹ 30,000/-
	3rd Prize: ₹ 10,000/- Draw Date : 24th January, 2026.
	Contact: 8119030686 7627919362

Sd/- Tv. T Thangmuansang
Youth Co-Ordinator
8119030686

PATRON MEMBER-TE

001. Upa Gouzamang	002. Pu Hav. Khamchinkhup	003. Pu Khamzalam	004. Pu Chinzasuan
005. (L) Upa Liansuanpau	006. Pu Khamchinthang	007. Pu S. Dalhang	008. Upa Kapkhanthang
009. (L) Upa Langginmang	010. Upa S. Nangkhanlal	011. Pu S. Lamkhotang	012. Upa Dr. M. Lachinkhai
013. Upa Khamchinjam	014. (L) Upa D.K.Manlun	015. Upa Suankhanmang	016. (L) Upa Khupgou
017. (L) Upa Chinkham	018. Upa Ngulchinkham	019. (L) Rev. V. Vungzalian	020. Rev. Retd. Kamkhosoi
021. Rev. Tualzachin	022. Rev. H. Nengzaton	023. Rev. Awnkhankhup	024. Rev. Dr. Hangpi Manlun Zou
025. (L) Pu Tuanzapau	026. (L) Rev. Ginchinjam	027. (L) Rev. Khamzasuan	028. Upa T. Lamkhotawng
029. Upa Khaichinmang	030. Rev. Stephen Chinzathang	031. Pu Khupkhanmang	032. Pu Khaidohlian
033. (L) Hav. Khamzahang	034. Pi Vungzanuam	035. Pu T. Gouzadou	036. Upa Liensuonkap
037. Pi Zekhochiin	038. Pi Hatkhanvung	039. (L) Pi Ngaihoiching	040. Pi Mankhanniang
041. Pu Goukhanmang	042. Pi Chingzalam	043. Pu S. Thianzakhai	044. Pi Kamkhanching
045. Pu Haukhanpau	046. Pu Tuallianmang	047. (L) Pu Dongkap	048. (L) Pi Chingkhanmang
049. Pi Donkhonian	050. Upa Henzakhup	051. (L) Pu Saichinpau	052. Pu Goumang
053. (L) Upa Khamkhanhang	054. Shie Laangkhanlal	055. Upa Khamkhanlun	056. Upa L. Tualkhanpau
057. Upa Jamsianmung	058. Upa Ginzadong	059. Upa Kaizathang	060. Pi Goizanuom
061. (L) Pi Thangneivah	062. Pu Khamzathang	063. Pi Donchin	064. Upa Liankhanmang
065. Pu Hauchinlun	066. Pu T. S. Lal	067. Pi Goichiin	068. (L) Pu T. Khupchinthang
069. Upa T. Kaizalam	070. Pu Paul Henkholal	071. (L) Pu Soikham	072. (L) Rev. P.C. Manga
073. Rev. Khamchinkhai	074. Rev. Zamlianpau	075. Rev. Chinzapau	076. (L) Rev. Kamkhozam
077. (L) Upa Chinpu	078. Pu Zamkhanthang	079. Pu Chinglen	080. Miss Chinhaunieng
081. Upa P. K. Sawia	082. Pu Goujakhai	083. Pi Niangkhanmang	084. (L) Evan. G.L. Joshya
085. Pi S. Chingkhanmang	086. (L) Pu Vumchinkhup	087. Upa Khaihenthang	088. Upa T. C. Pau
089. Upa Nengchinkap	090. (L) Upa Jamkhongam	091. Upa HT Manga	092. Nu Vahkhohling
093. Pu Hauliankap	094. Pi Chinnu	095. (L) Upa Ngulzakhai	096. (L) Upa T. Gougin
097. Pu Ginsuanhau	098. (L) Upa Langminthang	099. (L) Rev. David K.Samte	100. Upa T.S.K. Samte
101. Upa S.K. Khama	102. Pu Jamkhopao	103. Pu Thatang Taihul	104. Pu Kamkhankap
105. Bhim Prasad Ghatani	106. Rev. M. Kapsuanthang	107. Nu Chingneikim	108. Rev. Khupkhansuan
109. Pi Mannuamching	110. Rev. Kaimuanlal	111. Upa Nengkhanlian	112. Nh. Deborah Zou
113. Pu T. Kuppa	114. (L) Rev. Mangsuanthang	115. (L) Pu Lamchinhou	116. Upa Pauchinlei
117. Nu Kimneihei	118. (L) Upa Kamgenpau	119. Nu Niangsuanuam	120. Nu Ngaikhanvung
121. Pu P. Sanjiv Zou	122. Upa M. Kaichinkham	123. Upa T. Sianchinpau	124. Upa Sianzahau
125. Pu L. Thenkhosoi	126. Pu Kamsuanhang	127. Upa Th. Kaikholam	128. (L) Upa Lunchinthang
129. Pu P. Tongthang Zou	130. Pu H. Nehzamang	131. Pu Thangsuankhup	132. Upa M. Kamzadou
133. Pu Jamkholian Munlao	134. Pu Sianzakhai	135. Upa Thangginsuan	136. Pu Kapminlun
137. Pi Tingzavah	138. Dr. M. Limlunthang Zou	139. Rev. Hauzalian Manlun	140. Rev. Suanglianap
141. Rev. Ginlianmang	142. Upa L. Mangminthang Zou	143. Upa Goukhanthang	144. M. Thangsuansang Zou
145. Upa T. Kamchinthang	146. Pa Ngamsei		

LIFE MEMBER-TE

001. (L) Upa T. Khupkhenpau	002. (L) Pu M. Ginzahau	003. (L) Pu Selzapau	004. Pu L.C. Pautungnung
005. (L) Pi Khamkhanniang	006. Pi Ngainuam	007. Upa Chinsuanthang	008. Upa Shanti Kumar
009. Pu Kamkohau	010. (L) Pu Khamkohau	011. Upa Khamzathang	012. Upa Chinkhanthang
013. (L) Pu Tongzathang	014. Pi Chiinneilam	015. Upa Kulthang	016. H/Sm. Upa Kaichinpau
017. Pi Niangzalam	018. Upa P. Doukholun	019. Pu Kapminlian	020. Upa P. Nehgin

Undelivered

Please return to:

The Editor

KRISTIAN TANGKOU

ZPCS Office, Zomi Colony

Churachandpur - 795 128

P.O. Box - 48, Manipur, India

Synod Office Telephone No. (03874) 235105

Website: zousynod.org | email: info@zousynod.org

zpcs@rediffmail.com/zousynod05@gmail.com

7a,
